

現代生活藝術系列

華嚴經疏論纂要 23

— 光明覺品之二 —

華藏淨宗學會印贈

大方廣佛華嚴經疏論纂要卷第二十三

五臺山清涼國師澄觀疏鈔

大原方山長者李通玄 論

閩鼓山私淑比丘道需纂要

光明覺品第九之二

○第二重光照百界

爾時光明過十世界。徧照東方百世界。南西北方四
維上下。亦復如是。彼諸世界中。皆有百億閻浮提。乃
至百億色究竟天。其中所有悉皆明現。彼一一閻浮
提中。悉見如來坐蓮華藏師子之座。十佛刹微塵數。

菩薩所共圍繞。悉以佛神力故。十方各有一大菩薩。一一各與十佛刹微塵數諸菩薩俱來詣佛所。其大菩薩。謂文殊師利等。所從來國。謂金色世界等。本所事佛。謂不動智如來等。

爾時一切處文殊師利菩薩。各於佛所同時發聲說此頌言。

佛了法如幻 通達無障礙 心淨離衆著

調伏諸羣生

〔疏〕偈中顯佛八相菩提。十偈分二。初偈標德克滿。後九別廣調生。今初。謂了俗卽真故。如幻本虛。真。

不礙俗故。達諸法相。性相無礙。是真通達。無二礙著。則轉依心淨。大悲同體故。調伏衆生。則三德備矣。故能攝化。二鈔性相無礙者。疏釋通達無礙。有其二義。一所達之法。性相無礙。二能了之智。無有二礙。二礙即二障。了相故無智障。了性故無惑障。故次句云。無二礙著。則轉依心淨者。謂轉無常雜染之依。唯以功德依常法身。故云心淨。通達是智。無礙是斷。調生是恩。云三德備。

或有見初生 妙色如金山 住是最後身

永作人中月

〔疏〕後九中。即悲願自在。調伏普周。雖數越塵沙。畧論其九。皆言或見者。然有多義。一或多機異處各感見。二或同處各見。三或異時別見。四或同時異

見五或同時異處見。六或同處異時見。七或異時異處見。八或同時同處見。九或一人於同異交互時處見。多人所見。十或一人同異俱時處見。一切人所見。以是普眼機故。然佛不分身。無思普現也。

鈔皆言或見者。此九別中。有九或見。在義易了。而人尚迷。今寄清涼五臺求見文殊。以況法界見佛差別。總有十義。一或多機異處各感見者。如有五人。名爲多機。各在一臺。名爲異處。一人南臺見菩薩。一人西臺見師子。一人中臺見萬聖。一人東臺見化佛。一人北臺見聖僧。是各感見也。二或同處各見者。五人同在中臺。故云同處。一見菩薩。一見師子等。故云各見。三或異時別見者。一人朝見菩薩。暮見化佛等。四或同時異見者。上異時別見。不局一人多人。今此要是多人。謂二人同於晨朝。一見化佛。一見菩薩。五或同時異處見者。亦約多人。同於晨旦。一於東臺見。一於北臺見。所見之境。或

同或異。或見菩薩。亦是同時異處見。或則一見菩薩。一見化佛。亦同時異處。六或同處異時見。同於中臺。朝見暮亦見。而能見亦通。一人多人所見亦通。一境異境。但取處同時異耳。七或異時異處見。時則朝暮不同。處則東西臺別。而能見亦通。一人多人。謂或一人朝於中臺見菩薩。暮於北臺見菩薩。異人可知。然多約一人。其所見境亦通。同見菩薩。如上已明。或一人朝於中臺見菩薩。暮於北臺見師子。然多分且約一境。八或同時同處見。亦約多人同在中臺。同於中時見菩薩。所見亦通。同異且約同說。九或一人於同異交互時處見。多人所見者。言同異交互時處者。謂同時異處。異時同處。各交互時處。然同時異處。即是第五。而要。是多人異時同處。即是第六。通一人多人。今唯一人。頓見前多人所見。此機亦是不思議人。能於同時異處見。故謂有一人。於晨朝時。在於中臺見中臺多人所見。亦在西臺見多人所見。又於中臺於朝於暮。皆見多人所見也。十或一人於同異俱時處見一切人所見者。謂同時同處。異時異處。各同異俱時處。既是一人。時該多時處。徧諸處見。通諸境。

故是菩提眼機也。然佛不分身下。不一初生時。身如分而徧。無思菩提現頓應前十也。

夜月。瞰鏡可觀。智猶滿月。清涼照物。故云永作
或見經行時 具無量功德 念慧皆善巧

丈夫師子步

〔疏〕二行七步時。顯其具德

或見紺青目 觀察於十方 有時現戲笑

爲順衆生欲

〔疏〕三顧盼時。觀方現笑

或見師子吼 殊勝無比身 示現最後生

所說無非實

〔疏〕四師子吼時。說我獨尊

或有見出家 解脫一切縛 修治諸佛行

常樂觀寂滅

〔疏〕五出家時。解縛修寂

或見坐道場 覺知一切法 到功德彼岸

癡暗煩惱盡

〔疏〕六坐道場時。障盡德圓

或見勝丈夫 具足大悲心 轉於妙法輪

度無量衆生

〔疏〕七轉法輪時。因悲度物

或見師子吼 威光最殊特 超一切世間

神通力無等

〔疏〕八現神通時。調彼難調

或見心寂靜 如世燈永滅 種種現神通

十力能如是

〔疏〕九示入涅槃。不妨神用。又下二句。亦總結前九。

皆是神通。並有深意。如第八會。鈔如第八會者。即五十九經。各有十

意說者應引

○第四重光照千界

爾時光明過百世界。徧照東方千世界。南西北方四

維上下亦復如是。彼一一世界中皆有百億閻浮提。乃至百億色究竟天。其中所有悉皆明現。彼一一閻浮提中。悉見如來坐蓮華藏師子之座。十佛刹微塵數菩薩所共圍繞。悉以佛神力故。十方各有一大菩薩。一一各與十佛刹微塵數諸菩薩俱來詣佛所。其大菩薩謂文殊師利等。所從來國謂金色世界等。本所事佛。謂不動智如來等。

爾時一切處文殊師利菩薩各於佛所同時發聲說此頌言

佛於甚深法 通達無與等 衆生不能了

次第爲開示

〔疏〕頌中顯菩提體性。十頌分三。初偈雙具悲智爲菩提體。次四三德內圓。後五卽體悲用。今初。上半智深。下半悲濟。

我性未曾有 我所亦空寂 云何諸如來
而得有其身

〔疏〕次四偈中。一歎菩提永絕。二我德。謂二我之見。必因於身。今觀我身。若我卽陰。我卽生滅。若我異陰。以何相知。故但妄情。曾未慙有。旣無有我。誰是我所。我我所空。身從何有。無身之身。顯法身德。今

觀於身者。卽中論法品中意。論云。若我卽五陰。我卽爲生滅。若我異五陰。則非五陰相。若無有我者。何得有我所。內外我所。盡滅無有。故諸受卽爲滅。受滅則身滅。業煩惱滅。故名之爲解脫。業煩惱非實。入空。戲論滅。

解脫明行者 無數無等倫 世間諸因量

求過不可得

〔疏〕二顯解脫般若德。涅槃二十五云。貪瞋癡心永斷滅。故心善解脫。於一切法。知無障礙。故慧善解脫。涅槃畧有一百八句。以顯深廣。言明行者。卽般若德。若德。若作明行足釋。卽禪慧德。瑜伽三十八云。明謂三明。行謂止觀二品。涅槃十六又云。明者。三明。

一菩薩明。二佛明。三無明明。菩薩明者。卽是般若波羅蜜。佛明者。卽是佛眼。無明明者。卽畢竟空。然皆般若因果理智異耳。足有二義。一腳足義。約因爲故無數。超下位故無等。豈是因明能求其過。因明立量。依世俗分別定有定無。故曰世間。今體絕有無。故彼莫能過也。

佛非世間蘊 界處生死法 數法不能成
故號人師子

〔疏〕三一偈。歎佛超絕三科德。蘊者。聚義。謂是有爲。

生。死。果。相。界。者。種。族。義。謂。是。愛。著。生。死。因。相。處。者。
生。門。義。謂。諸。識。內。外。緣。相。然。不。離。色。心。俱。舍。云。愚。
根。樂。二。故。說。蘊。處。界。三。蘊。等。有。二。一。者。有。漏。是。世。
數。法。佛。非。此。成。二。是。無。漏。則。佛。非。無。因。滅。無。常。色。
等。獲。常。色。等。故。如。來。妙。色。常。安。隱。故。鈔。因。滅。無。常。色。卽。涅。槃。三。
十。八。如。下。當。引。如。來。妙。色。常。安。隱。故。但。要。此。句。具。有。一。偈。云。妙。色。湛。然。常。安。隱。不。爲。時。節。劫。數。遷。大。聖。曠。劫。行。慈。悲。獲。得。金。剛。不。壞。體。

其性本空寂 內外俱解脫 離一切妄念

無等法如是

疏四歎佛超離根境德境智雙寂契彼性空根塵

兩忘內外解脫亦常照內外脫於無知空尚不存

妄從何起鈔四歎佛者即是初句其性本空寂何法不寂獨歎如來故疏答云境智雙寂

契彼性空故為佛德所以無心於物境則未忘攝境歸心心又未寂今佛寂照方契性空此以第二

句成上第一句次言根塵兩忘內外解脫即上句釋下句由契性空故忘根塵心所知法一切皆空

故忘塵也能知之亦不可得故忘根也由內忘故根不能繫由外忘故境豈能牽真解脫也斯乃

解脫惑障次云亦常照者此智障解脫上寂此照寂照無二真佛心也空尚不存者舉况釋第三句

空為所契尚不當心又上四偈初一法身故常二妄念空華豈當佛意

無過故樂三數不能成故自在稱我四解脫故淨

體性常不動 無我無來去 而能悟世間

無邊悉調伏

〔疏〕後五卽體悲用中。初偈不動普應德。上半不動
下半普應。二我永亡。稱性不動。智周法界。何有去
來

常樂觀寂滅 一相無有二 其心不增減

現無量神力

〔疏〕次偈動寂無二德。三句入寂。一句起用。一相是
表。所謂無相。無二是遮。體不可分。又無二者。非對
有說無也。觀無始終。故心不增減。三輪之化。云無
量力

不作諸衆生 業報因緣行 而能了無礙

善逝法如是

〔疏〕次偈無染了機。

種種諸衆生 流轉於十方 如來不分別

度脫無邊類

〔疏〕次偈度心平等。

諸佛真金色 非有徧諸有 隨衆生心樂

爲說寂滅法

〔疏〕後偈無生現生智契非有。悲心徧生隨機引之。

令歸常寂

○第五光照十千世界

爾時光明過千世界。徧照東方十千世界。南西北方
四維上下。亦復如是。彼一一世界中。皆有百億閻浮
提。乃至百億色究竟天。其中所有悉皆明現。彼一一
閻浮提中。悉見如來坐蓮華藏師子之座。十佛刹微
塵數菩薩所共圍繞。悉以佛神力故。十方各有一大
菩薩。一一各與十佛刹微塵數諸菩薩俱來詣佛所。
其大菩薩。謂文殊師利等。所從來國。謂金色世界等。
本所事佛。謂不動智如來等。

爾時一切處文殊師利菩薩。各於佛所同時發聲。說
此頌言。

發起大悲心 救護諸衆生 永出人天衆

如是業應作

〔疏〕頌中明等菩提因行。文有十行。皆三句辨相。一句勸修。雖皆作業。而展轉深細。畧分為五。初一大悲下救業。不求自利。云永出人天。

意常信樂佛 其心不退轉 親近諸如來

如是業應作

〔疏〕次四修智上攀業。一信。二樂。三念。四學。又初一

長時修。常信不轉故。〔鈔〕次四修智下。疏有二意。前意各別一行。後意通修諸行。

文雖局。一義乃兼通。如長時修。謂長時信。長時樂。長時念。長時學。下三亦然。若約所信念等。皆佛功。

德

志樂佛功德 其心永不退 住於清涼慧

如是業應作

〔疏〕次一般重修。志樂不退故。清涼慧心者。無惑熱故。

一切威儀中 常念佛功德 晝夜無暫斷

如是業應作

〔疏〕次偈無間修。不暫斷故。

觀無邊三世 學彼佛功德 常無厭倦心

如是業應作

〔疏〕後偈無餘修。常徧學故。

觀身如實相 一切皆寂滅 離我無我著

如是業應作

〔疏〕三有一偈內照業。觀身實相者。如淨名。觀佛前

際不來等。又如法華。不顛倒等。鈔如淨名者。即見

摩詰。汝欲見如來。為以何等觀如來乎。維摩詰言。

如自觀身實相。觀佛亦然。我觀如來。前際不來。後

際不去。今則不住。不觀色。不觀色如。不觀色性。不

觀受。想。行。識。不觀受。想。行。識。如。不觀受。想。行。識。性。

非四大起。同於虛空。六入無積。眼耳鼻舌身心已

過。不在三界。三垢已離。順三脫門。三明與無明等

不一相。不異相。不自相。不他相。非無相。非取相。不

此岸。不彼岸。不中流。而化衆生。觀於寂滅。而不永

滅等。彼以觀身實相。用觀如來。今但自觀。為小異

耳。真實觀同。又如法華者。即安樂行品。第二親近

處。經云。文殊師利。又菩薩摩訶薩。觀一切法空。如

實相。不顛倒。不動。不退。不轉。如虛空。無所有性。

切語言道斷。不生。不出。不起。無名。無相。實無所有。
無量無邊無礙無障。但以因緣有。從顛倒生故說。
常樂觀如是法相。是名菩薩摩訶薩第二親近中。
處。釋曰。上經皆觀實相。卽理實相也。云皆寂滅。中
論法品云。諸法實相者。心行言語斷。無生亦無滅。
寂滅如涅槃。卽上半也。又云。諸佛或說我或說於
無我。諸法實相中。無我無非我卽下半也。又離我
者。超凡夫離無我者。超二乘。故能悲濟。又離我者。
就體明。此下對人以顯不著。然我無我通有四句。
無我。則不趣證。故能悲濟。然我無我通有四句。
一。唯有我。二。唯無我。三者。雙辯。卽生歿無我。涅槃
有我。四。雙非。上二互形奪。故。然我無我下。復以四
句會融。釋此四句。畧
有三意。一。對人以顯成前對人。謂唯我卽凡夫。無
我。卽二乘。雙辯。對小說大涅槃云。無我者。所謂生

或我者。謂大涅槃。二乘之人。但見無我。不見於我。雙非。卽泯絕大小。二者直就大乘性相說。亦有此四。初句。唯。一。真。我。迥。然。獨。立。次。句。對。病。顯。實。我。法。皆。空。雙。辨。句。真。妄。雙。觀。不。壞。性。相。雙。非。句。性。相。融。卽。故。互。奪。兩。亡。三。者。但。約。觀。照。第。一。句。知。衆。生。妄。執。有。我。二。稱。理。而。觀。離。於。二。我。三。亦。雙。照。性。相。四。卽。真。妄。形。奪。與。第。二。釋。異。者。此。初。句。有。我。此。是。妄。我。第。二。初。我。乃。無。我。法。中。有。真。我。耳。

等觀衆生心 不起諸分別 入於真實境

如是業應作

疏四一偈等觀業。大悲同體。所以等觀。見真息妄。不起分別。妄盡契如。名入真實。

悉舉無邊界 普飲一切海 神通大智力
如是業應作 思惟諸國土 色與非色相

一切悉能知 如是業應作 十方國土塵

一塵爲一佛 悉能知其數 如是業應作

〔疏〕五後三偈大用業。初偈神足通。後二法智通於中。初一知土。法性土爲非色。餘皆爲色。此二融卽皆悉委知。後一知佛。又十展轉者。初悲欲救生。當云何救。信樂近佛。樂其何法。樂佛功德。佛以功德成其身故。空樂何益。當念念修學。學他不如自觀。自觀不及物我齊致。入真滯寂。當起大用。用何所爲。當擬窮十方界。入諸佛海。

○第六重光照百千世界

爾時光明過十千世界。徧照東方百千世界。南西北
方四維上下。亦復如是。彼一一世界中。皆有百億閻
浮提。乃至百億色究竟天。其中所有悉皆明現。彼一
一閻浮提中。悉見如來坐蓮華藏師子之座。十佛刹
微塵數菩薩。所共圍繞。悉以佛神力故。十方各有一
大菩薩。一一各與十佛刹微塵數諸菩薩俱來詣佛
所。其大菩薩謂文殊師利等。所從來國。謂金色世界
等。本所事佛。謂不動智如來等。

〔疏〕卽第二答佛威德問。威德約身故。

爾時一切處文殊師利菩薩。各於佛所同時發聲說。

此頌言

若以威德色種族 而見人中調御師

是為病眼顛倒見 彼不能知最勝法

〔疏〕偈中前五法身後五智身。前中分二。初一揀迷。

謂以威德則自在熾盛色相則端嚴吉祥種族則

名稱尊貴。雖是薄伽。而見從外來。取相乖於最勝。

故為倒見。猶眼有病。故見外空華。執內為外。謂空

為有。〔鈔〕初一揀迷。以初句下五字為三節。攝佛地論歎佛偈云自在熾盛與端嚴名稱吉祥及

尊貴如是六種義差別應知總名薄伽梵。今文具用翻此六義以顯真佛最勝之法。初以自在熾盛

二德釋其威德論云自在者永不繫屬諸煩惱故熾盛者猛焰智光所燒鍊故此內威德由內具此

智斷二德。外攝羣魔。制諸外道。二以端嚴吉祥釋
 於色字。色卽色相。論云。端嚴者。三十二相。所莊嚴
 故。吉祥者。一切世間親近供養。咸稱歎故。三以名
 稱尊貴。釋種族字。論云。名稱者。一切殊勝功德。圓
 滿無不知故。尊貴者。具一切德。常起方便。利益世
 間安樂。一切無懈廢故。此上二德。前是功德。後是
 大悲。悲智功德。爲佛種族。謂佛以功德爲種性。故
 佛以大悲爲根本。故爲出生。故卽內種族。故能悲
 現利帝利種。雖是薄伽下。釋後半。躡上而釋。謂上
 六義。號爲薄伽。依此而取。未免顛倒。見從外來。卽
 不了唯心。故起信文云。見從外來。取色分齊。取相
 二字。向上成心。外取相。若就當句。設取心。佛亦爲
 取相。不了真佛。無相相。故言顛倒者。顛者。頂也。頂
 合在上。向卽倒。如是合無爲有。合內爲外。皆名
 顛倒。故舉空
 華。喻通二義

如來色形諸相等

一切世間莫能測

億那由劫共思量

色相威德轉無邊

〔疏〕後四示悟。顯最勝法。初偈明如來色相無邊。故超情莫測。無邊有二。一深故。隨一一相稱真無邊。二廣故。謂具十蓮華藏塵數之相。

如來非以相爲體

但是無相寂滅法

身相威儀悉具足

世間隨樂皆得見

〔疏〕次偈釋上二義。前半釋深。相卽無相。故後半釋廣。無相之相。故廣復有二。一無限。因成一應機。音現。謂色無定色。若金剛之合朱紫。形無定形。猶光影之任修短。相無定相。似明鏡之對妍媸。故隨樂皆見。〔鈔〕一無限。因成者。此中無文。舍在隨樂見中。上偈與雲幢王水神偈云。清淨慈門刹塵數。

共生如來一妙相。一諸相莫不然是。故見者無厭足。此一慈門。已無量矣。兄於諸門出現寶光。主海神云。不可思議大劫海。供養一切諸如來。普以功德施羣生。是故端嚴最無比。即施門無量也。普發迅流。主河神云。如來往昔為衆生修治法海。無邊行。即無限因也。如是等。或一切因共成一相。或一切因成一相。等。故云無限。二應機。普現者。下舉三喻。別喻色形諸相。三法。

佛法微妙難可量

一切言說莫能及

非是和合非不合

體性寂滅無諸相

〔疏〕三一偈。明所證超情。以成前義。前半正顯。謂欲言其有。體相寂滅。欲言其無。色相無邊。故止言微妙。唯智方契。故心慮叵量。理圓言偏。故言說莫及。後半重釋。謂應緣非不合。住體非和合。又緣起修

成非不合。契真相盡非和合。又緣卽非緣。故非和合。非緣卽緣。故非不合。合相離故無諸相。非合亦離體寂滅也。鈔後半重釋者。前半云難可量。則心行處滅。言說莫及。則言語道斷。今重釋者。何以寂滅諸相。心言罔及耶。釋意云。寂滅是不和合義。隨樂皆見是和合義。今亦不可作合與不合。而知而說。故重釋之。於中寄三身說。初約法身住體徧應釋。則前無相寂滅。卽是任體。隨樂皆見。卽是徧應。故今以二義相奪。故非不合。其任體徧應。猶如虛空。隨其竅隙。方圓大小。又緣起修成下。約報身修成契實說。如鑄金成像。像全同金。亦互奪。叵說。又緣卽非緣下。約化身應緣說。猶如影像。有而卽虛。亦二相奪。不可得說。已釋上句從合相離。故下釋下句。

佛身無生超戲論

非是蘊聚差別法

得自在力決定見

所行無畏離言道

〔疏〕四有一偈。明能證超絕。結歸佛身。上來體性寂滅。遣有。身相具足。遣無。非合不合。遣俱有無。而復謂佛是非有非無。還成戲論。中論云。戲論破慧眼。是皆不見佛。故次遣之。謂妄惑不生。故非蘊聚。起心則生。便成戲論。決定見者。不隨境相。名自在力。有無不能累其神。故無畏也。非言行處。爲絕言道。

鈔決定見下。釋下半。謂決定見者。則見法身。如來法身。其相云何。論云。如來所有性。卽是世間性。如來無有性。世間亦無性。眞妄無性。卽佛法身。如是見者。不隨相轉。若隨相轉。卽不自在。不隨相轉。卽決定見。見同無性。能所雙寂。何有有無能累其神。則不畏有無等也。

身心悉平等

內外皆解脫

永劫住正念

無著無所繫

〔疏〕後五智身中。初知解脫智。謂外身非業繫。內心無取著。為皆解脫。常契等理。故云正念。又內脫二障。外用無羈。此明自在。〔鈔〕初一知解脫智。此偈第四句交絡相合而釋。謂初句身字。合次句外字。初句心字。合次句內字。云外身內心平等二字。是身心理。解脫二字。通上身心內外。而解脫不同。外身脫業繫苦相。即解脫上取外身。下取第四句中無所繫字。內心脫執取等相。即解脫字上取內心。下取第四句中無著二字。心無取著。即為能證契上平等。名為正念。是第三句。四句圓矣。

意淨光明者 所行無染著 智眼靡不周

廣大利衆生 一身為無量 無量復為一

了知諸世間 現形徧一切 此身無所從
亦無所積聚 衆生分別故 見佛種種身
心分別世間 是心無所有 如來知此法
如是見佛身

〔疏〕下四大用自在。展轉相釋。初一以寂照智利生。意淨寂也。光明照也。淨故無著。明故智周。故能大作佛事。次一云何利生。謂變化智自在。上半一多無礙。下半隨器普現。次偈明一多所從。以無生智。隨物而感。謂一身多身。但由衆生分別心起。故無積無從。其猶並安千器。數步而千月不同。一道澄

江。萬里而一月孤暎。情隔則法身成異。心通而玄旨必均。云云自他。於佛何預。後偈復拂前迹。謂卽前分別之器。亦無所有。妄見之身。豈當可得。此法是佛所知。當依此理見佛。此後二句。兼通結上。謂卽前等者。上云月之一多。由器有異。佛之一多。由感不同。今云心分別世間。是心無所有。則分別之器亦忘也。其猶夢中見器中之月。豈唯月之不實。亦器本自無。能現之器既無。所現之月安有。約法可思。此法是佛下。釋下。半。依此見佛。則如佛見。

○第七重光照十方百萬世界。此下四段答法性問。佛以功德爲法性故。卽分爲四。初一總顯內。外包攝德。二方便幹能德。三大悲救攝德。四因

果圓徧德。今初段。

爾時光明過百千世界。徧照東方百萬世界。南西北方四維上下。亦復如是。彼一一世界中。皆有百億閻浮提。乃至百億色究竟天。其中所有悉皆明現。彼一一閻浮提中。悉見如來坐蓮華藏師子之座。十佛刹微塵數菩薩所共圍繞。悉以佛神力故。十方各有一大菩薩。一一各與十佛刹微塵數諸菩薩俱來詣佛所。其大菩薩謂文殊師利等。所從來國。謂金色世界等。本所事佛。謂不動智如來等。

爾時一切處文殊師利菩薩。各於佛所同時發聲。說

此頌言

如來最自在 超世無所依 具一切功德

度脫於諸有 無染無所著 無想無依止

體性不可量 見者咸稱歎 光明徧清淨

塵累悉蠲滌 不動離二邊 此是如來智

疏偈中分二。前五歎佛法難思。後五示入方便。今初分三。初三直就佛明。次一對機以辨。後一約法以明。今初。初一句所緣。及一切種智清淨。於所緣所知中。無礙智自在轉故。次句所依清淨。煩惱習氣永無餘故。三一切種心清淨。一切善根皆積集。

故。四具大悲故。

鈔初句所緣者契經諸論皆說如來一百四十不共功德今依瑜伽

四十九說論云依如來住及依如來到究竟地諸佛世尊有百四十不共佛法謂諸如來三十二大

人相八十種隨形好四一切種清淨十九無所畏三念住三不護大悲無忘失法永害習氣及一

切種妙智。今經畧具初三句中。具四一切種清淨。言四淨者。一切種所依清淨。謂煩惱麤重并諸

習氣。於自所依無餘永滅故。又於自體。如自所欲取任捨中自在而轉。二一切種所緣清淨。謂於種

種若化若變。若所顯現。一切所緣皆自在轉故。三一切種心清淨。謂如前說一切心麤重永滅離故。

又於心中。一切種善根皆積集故。四一切種智清淨。謂如前所說一切無明品麤重永滅離故。又徧

一切所知境中。知無障礙。智自在轉故。上四中。除第二。皆有二釋。今疏之中。皆具四淨。而文少畧。取

順經耳。初如來最自在。句有二清淨。所緣是第二一切種智是第四。於所緣中無碍轉。釋第二所緣

清淨。於所知中無碍智自在轉。即是第四一切智清淨。彼論二釋。今取後釋。此二皆是最自在義。次

句所依清淨者。卽經超世無所依。是第一淨。可知。
三一切種心清淨者。卽經具一切功德。是第三心。
清淨。亦二釋中。
後釋對論易知。五無憂喜之雜染。安住捨故。故無
所著。六惡想都絕。不依止名聞利養故。七八二句
體雖叵量。具相好故稱歎。五無憂喜者。卽無染無
所著。是三念住。謂一者
一。心聽法不憂。二者一心聽法不喜。三者常住捨
心。謂有憂喜卽染。不住捨卽著。今無染無著。故具
三念住。六惡想下。卽經無想無依止。是三不護。一
惡想都絕。二不依止名聞。三不依止利養。今無想
成初。一。無依
止成後。二。九智光徧覺。離倒名淨。身光可知。十
永害習氣故。十一住正念故離邊。常明記故不動。
亦是成上智光所觀。故結云佛智。又此一偈。卽四
無所畏。光明。卽正覺。清淨。卽出苦。滌累。漏盡。及與

障道無畏。不動卽無畏之義。外難不能傾故。不墮

勝負二邊故。是無畏智。九智光徧覺卽一切種妙智。十可知。十一卽無忘失。

法。故常明記。又此一偈者。謂光明徧清淨。屬無畏。有四。一一切智無畏。二漏盡無畏。三出障道無畏。

四出苦道無畏。至十藏品當釋。唯十力智。在第三約法以顯中。則百四十功德具矣。

若有見如來 身心離分別 則於一切法

永出諸疑滯

〔疏〕二一偈對機以辨中。身心離分別者。含於二意。

一約佛。以三業隨智慧行等故。二約機。卽知上功

德。而能身心無分別者。得無疑益。

一切世間中 處處轉法輪 無性無所轉

導師方便說

〔疏〕三有一偈約法以顯。雖法界徧轉。無性寂滅。故無所轉。假以言宣。云方便說。其能轉智。卽十力智。於法無疑惑。永絕諸戲論。不生分別心。是念佛菩提。

〔疏〕後五示入方便者。上來說佛。不離功德菩提。上所說法。不離教義。次第令人。初偈令念菩提。初句善決性相。次二句契理絕想。以生分別想。卽戲論故。具斯二義爲念菩提。故大般若云。覺法自性。離諸分別。同菩提故。又心絕動搖。言忘戲論。又瑜伽

九十五。有六種戲論。故名爲諸。劍故大般若下。即文殊分中。如前已

引。又。心絕動搖。亦是此經。次後那伽室利分。那伽

云龍。即龍吉祥菩薩。妙吉祥菩薩。欲入城乞食。龍

吉祥問云。我欲入城。爲有情故。巡行乞食。妙吉祥

云。隨汝意往。然於行時。勿得舉足。勿得下足。勿屈

勿伸。勿起於心。勿與戲論。勿生路想。城邑想。大小

男女。想。所以者何。菩提遠離諸所有想。無高無下。

無卷無舒。心絕動搖。言忘戲論。無有數量。今此唯

用後一對耳。又瑜伽者。一顛倒戲論。二唐捐戲論。

三諍競戲論。四於他分別勝劣戲論。五分別工巧

豈有

了知差別法 不著於言說 無有一與多

是名隨佛教

疏次偈隨教。上二句了法亡言。次句得旨。方名隨

順

多中無一性 一亦無有多 如是二俱捨

普入佛功德

〔疏〕次偈入佛功德。上二句雙存。一多相別故。次句雙泯。相形奪故。一因於多有。多中應有一。多因於一有。一中應有多。今多中無一。一無從矣。一中無多。多無從矣。故二俱捨也。而性相融通。入一卽是入多。名普入也。

衆生及國土 一切皆寂滅 無依無分別
能入佛菩提

〔疏〕次偈入佛菩提。依正皆寂。故無所依。智契於斯。故無分別。

衆生及國土 一異不可得 如是善觀察

名知佛法義

〔疏〕後偈知法義。上明生土皆寂。不可言異。依正兩殊。不可云一。

○第八重光照一億界。前云百萬。今十倍於前。卽千萬爲億也。

爾時光明過百萬世界。徧照東方一億世界。南西北方四維上下。亦復如是。彼一一世界中。皆有百億閻

浮提乃至百億色究竟天。其中所有悉皆明現。彼一
一閻浮提中。各見如來坐蓮華藏師子之座。十佛刹
微塵數菩薩所共圍繞。悉以佛神力故。十方各有一
大菩薩。一一各與十佛刹微塵數諸菩薩俱來詣佛
所。其大菩薩謂文殊師利等。所從來國謂金色世界
等。本所事佛謂不動智如來等。

爾時一切處文殊師利菩薩。各於佛所同時發聲說
此頌言

〔疏〕十偈歎佛權實。雙行方便。幹能。然方便之言。畧
有三意。一以因中十種加行方便之力。修成佛果。

自在之德。一但是差別之用。皆名方便。其無礙慧無若干故。三卽實之權。起用自在。故名方便。今文具三。皆三句辨相。一句結名。

智慧無等法無邊

超諸有海到彼岸

壽量光明悉無比

此功德者方便力

〔疏〕初偈卽體起用爲方便。然有六義。一智超下位。二證法無邊。三解脫有海。四具上三義。到涅槃岸。五壽兼真應。六身光無涯。皆佛功德。

所有佛法皆明了

常觀三世無厭倦

雖緣境界不分別

此難思者方便力

①疏二歎寂照方便。初句橫照。次句豎窮。次句卽寂照而無思。故難思也。

樂觀衆生無生想

普見諸趣無趣想

恒住禪寂不繫心

此無礙慧方便力

①疏三歎佛事理無礙方便。初二句有無無礙。次二

句定散無礙。鈔初二句者。無卽是理。有卽是事。次句定散無礙者。恒住禪寂。定也。由契

心性理也。禪不繫心。不礙散也。卽涉事也。

善巧通達一切法

正念勤修涅槃道

樂於解脫離不平

此寂滅人方便力

①疏四歎佛修無修方便。初句善窮性相。次句無念

勤修樂於解脫釋修涅槃離不平者釋前正念以
不見生處為雜染涅槃為清淨此二無差為真寂
滅

有能勸向佛菩提

趣入法界一切智

善化眾生入於諦

此住佛心方便力

〔疏〕五歎迴向方便初二句趣入法界是迴向實際
餘皆迴向菩提次句迴向眾生在如化物故為方

便

〔鈔〕初二句者二句之中唯取四字是
向實際初句及一切智皆迴向菩提

佛所說法皆隨入

廣大智慧無所礙

一切處行悉已臻

此自在修方便力

〔疏〕六證知方便。初句隨順證入。次句知而無障。次句知徧趣行。卽利生法。卽知卽證。爲自在修也。

恒住涅槃如虛空

隨心化現靡不周

此依無相而爲相

到難到者方便力

〔疏〕七寂用方便。初句寂。次句用。次句寂用無礙。爲無住涅槃。凡小難到。

晝夜日月及年劫

世界始終成壞相

如是憶念悉了知

此時數智方便力

〔疏〕八時數方便可知

一切衆生有生滅

色與非色想非想

所有名字悉了知 此住難思方便力

〔疏〕九難思方便。初句了生滅。刹那一期。皆悉了知。次十一字了相。卽衆生體。不出三界九地。下二界是色。無色界非色。二界八地。皆名爲想。無想天爲非想。有頂非想非非想。悉了知者。能了兼了其性。卽是無生。此是無邊之境。故難思也。上一偈但了差別。卽是方便。

過去現在未來世 所有言說皆能了

而知三世悉平等 此無比解方便力

〔疏〕十無比方便。初二句知相。上句豎窮。下句橫攝。

次句知性。此二不二。故無比。卽爲方便也。

○第九重照十億界。歎大悲救生德。

爾時光明過一億世界。徧照東方十億世界。南西北方四維上下。亦復如是。彼一一世界中皆有百億閻浮提。乃至百億色究竟天。其中所有悉皆明現。彼一一閻浮提中。悉見如來坐蓮華藏師子之座。十佛刹微塵數菩薩所共圍繞。悉以佛神力故。十方各有一大菩薩。一一各與十佛刹微塵數諸菩薩俱來詣佛所。其大菩薩謂文殊師利等。所從來國謂金色世界等。本所事佛。謂不動智如來等。

爾時一切處文殊師利菩薩各於佛所同時發聲說此頌言

廣大苦行皆修習

日夜精勤無厭怠

已度難度師子吼

普化衆生是其行

〔疏〕十偈多以第四句爲結。於中分三。初偈總標。行海已圓而能普化。次八別顯化類不同。後一總結悲智周徧。初中初句無餘修。廣謂徧受。太謂極苦。次句長時無間。次句功行已圓。極惡難度。已能度。故云何能度。謂師子吼。師子吼者。各決定說。定說一切衆生皆有佛性。度一闡提。定說無我度諸外。

道定說欲苦不淨以度波旬。定說如來常樂我淨
度諸聲聞。定說大悲以度緣覺。定說如來無礙大
智以度菩薩。故云普化衆生。鈔初句無餘修者。此
有四修。一無餘修。以
皆修故。次句有二修。一長時修。二無間修。日夜不
息。卽是長時。精勤無怠。故無有間。難度能度。勇猛
修也。此卽是
總示度相。

衆生流轉愛欲海

無明網覆大憂迫

至仁勇猛悉斷除

誓亦當然是其行

〔疏〕次八別中。云何普化。初化癡愛衆生。前半所救。
如人墮海。五事難出。一水深。二波迅。三迷暗。四蟲
執。五憂迫失力。衆生欲海流轉亦爾。此中愛有二

義一已得無厭深廣如海。二於未得處無足如流。癡亦二義。一迷不見過。二妄見有德。結網自纏。五由前癡愛招大憂苦。次句舉古佛已行忘身爲物。故曰至仁。後句立誓當作。鈔五事難出。一水深。卽無明四卽網覆義兼蟲執羅不得出。五卽大憂迫。次衆生下約法釋五。而四釋蟲執。云妄見有德。結網自纏。

世間放逸著五欲

不實分別受衆苦

奉行佛教常攝心

誓度於斯是其行

疏二度著欲衆生。上半所救。放逸者著欲緣也。著五欲欲事也。不實分別欲因也。受衆苦欲果也。未

得已失。皆受大苦。正得亦苦。橫生樂想。况當受三塗。故云衆苦。次句受教自修。後句立誓轉化。

衆生著我入生死 求其邊際不可得

普事如來獲妙法 爲彼宣說是其行

〔疏〕三救著我衆生前半所救著我爲因。受生因果未證無我。浩無邊際。次句救方說一無我。唯佛有之。

衆生無怙病所纏 常淪惡趣起三毒

大火猛燄恒燒熱 淨心度彼是其行

〔疏〕四救惡趣衆生。三句所救。謂無善可恃。顯唯惡。

業及惑病因。招三惡趣。展轉復起。三毒之過。因果俱燒。末句救方。但淨其心。因亡果喪。

衆生迷惑失正道 常行邪徑入暗宅

爲彼大然正法燈 永作照明是其行

〔疏〕五救邪見衆生前半所救。上句明因。迷四真諦。惑現境故。次句起見。邪見翳理。卽爲暗宅。後半能救之方。

衆生漂溺諸有海 憂難無涯不可處

爲彼興造大法船 皆令得度是其行

〔疏〕六救著有衆生前半所救。二有深廣。總喻於海。

漂至人天。還溺惡趣。未遇如來。多成難處。希求不
已。故名爲憂。未有對治。故無涯畔。具上諸失。故不
可處。後半能救。可知。

衆生無知不見本

迷惑癡狂險難中

佛哀愍彼建法橋

正念令升是其行

〔疏〕七救無明衆生前半所救。由本住無明。故不見
無住之本。迷理或事。狂走於生處之中。後半能救。
佛既授法。正念卽升也。

見諸衆生在險道

老病死苦常逼迫

修諸方便無限量

誓當悉度是其行

〔疏〕八救險道衆生。前半所救。人天報危。臨墮惡趣。名爲險道。能救可知。

聞法信解無疑惑。了性空寂不驚怖。

隨形六道徧十方。普救羣迷是其行。

〔疏〕後一偈總結者。前半結有教證之智。能導無緣之悲。次句結有同體之悲。能徧十方六道。後句結於所救。不越羣迷。

○第十重光照十方。總結無盡。

爾時光明過十億世界。徧照東方百億世界。千億世界。百千億世界。那由他億世界。百那由他億世界。千

那由他億世界百千那由他億世界。如是無數無量。無邊無等不可數。不可稱不可思。不可量不可說。盡法界虛空界所有世界。南西北方四維上下。亦復如是。彼一一世界中。皆有百億閻浮提。乃至百億色究竟天。

疏長行分二。先明世界數量。畧有十七。漸窮法界。其中所有悉皆明現。彼一一閻浮提中。悉見如來坐蓮華藏師子之座。十佛刹微塵數菩薩所共圍繞。悉以佛神力故。十方各有一大菩薩。一一各與十佛刹微塵數諸菩薩俱來詣佛所。其大菩薩謂文殊師利。

等。所從來國。謂金色世界等。本所事佛。謂不動智如來等。

〔疏〕後明彼諸世界。所有皆現。

爾時一切處。文殊師利菩薩。各於佛所。同時發聲。說此頌言。

一念普觀無量劫。無去無來亦無住。

如是了知三世事。超諸方便成十力。

〔疏〕十頌明因果圓徧德。於中分二。前四示佛因果徧說。後六勸物順行。今初。初一偈。因圓果滿。彰有說因。初三句。三達因圓。後句。十力果滿。〔鈔〕初三句者。三達節。

達三世於中初句了相無量劫言。通過及未。次句了性。過去心不可得。故云無去。未來心不可得。故云無來。現在心不可得。故云無住。淨名云。若過去無任。現在是任。亦生即滅。故云無任。第三句結知。佛如是知。云何如是。非唯知無去等。亦知其相。又性相無礙。又一念能知。爲如是了。

十方無比善名稱

永離諸難常歡喜

普詣一切國土中

廣爲宣揚如是法

〔疏〕次一偈大用外彰。正明說法周徧。可知。

爲利衆生供養佛

如其意獲相似果

於一切法悉順知

徧十方中現神力

從初供佛意柔忍

入深禪定觀法性

普勸衆生發道心 以此速成無上果

〔疏〕後二對因辨果。初一偈徧因。初句爲因。二句皆果。法供養佛。故於法順知。普爲衆生。故能徧用。斯卽等流。名相似果。晉經云。正心供養。明是法供養也。後一偈深因。故能速證。初二句六度自利。謂供佛是檀意。柔兼戒從。初至末。是進策也。次句利他。兼方便等。二行旣圓。則佛果朝夕。故云速成。〔鈔〕兼者。勸物涉有。故是方便。勸生發心。卽是大願。衆生無邊。誓願度佛道。無上誓願成。故卽修習。方爲智斷。

十方求法情無異

爲修功德令滿足

有無二相悉滅除

此人於佛爲真見

〔疏〕後六偈勸物順行。佛昔如是行。今得說法果。令物行之。亦得斯果。初一偈求法行。二說法行。三聽法行。四有三偈破相行。今初。初句離過。勝他名利。名爲異情。次二句顯德。一句滿福。一句圓智。又無異者。於一切法都無所求。若此之求。見真法身。

普徃十方諸國土

廣說妙法興義利

住於實際不動搖

此人功德同於佛

〔疏〕二說法行。前半說法益物。義利者。令衆生得離惡攝善故。此世他世益故。世出世益故。福德智慧

益故。上四對皆先義後利。後半若無說無示同佛說也。

如來所轉妙法輪

一切皆是菩提分

若能聞已悟法性

如是之人常見佛

疏三聽法行。兼顯法輪之體。初句教法。次句卽教成行。無有一文一法非菩提因。豈止三十七品。次句悟理。揀去隨文。後句理無廢興。故常見佛果也。

鈔次句悟理者。不隨文故無聞悟理故無得

不見十力空如幻

雖見非見如盲覩

分別取相不見佛

畢竟離著乃能見

衆生隨業種種別

十方內外難盡見

佛身無礙徧十方

不可盡見亦如是

譬如空中無量刹

無來無去徧十方

生成滅壞無所依

佛徧虛空亦如是

〔疏〕後三破相行。初一正明。後二轉釋。今初。初三句反顯。金容煥目而非形。安可以相取。後句正顯。法性超乎視聽。唯可虛已而求。後二轉釋。云何不見。前偈以妄喻真。衆生妄惑。尚不可窮。諸佛契真。如何見盡。後偈復轉釋云。雖徧十方。不可定取。如刹徧空。有其四義。一多刹滿空。二體無來去。三不妨

成壞。四無別所依。佛身徧空。亦具四義。一頓徧多
利。二恒不去來。三應有出沒。四體用無依。是故佛
身。亦不可以徧空而取耳。上來三品答初十句所
依果問竟。

論已上文殊師利說此十頌。歎佛十德。令起信心
者。發信進修行故。此光明覺品。舉佛果法。令信心
者。正自入信。信同諸佛果法。不移法身不動智。菩
薩行徧周一體。自古及今。更無他法。凡聖一性。同
無性味。同大願大慈大悲大智文殊妙慧普賢萬
行之味。總爲動寂一體用故。如是信修。從初發心。

一時並進。以此十信位內。置一百四十大願。成大悲行。法身慧身智身。一時俱進。故法身者。卽十色世界是智身者。卽十智佛是慧身者。卽文殊師利是大悲者。卽一百四十大願成之是。如是已上諸法。皆是此光明覺品。悉皆信入。如問明品。卽是已入信中。問答法則。成其信力。修行故。問曰。何故成十信門。皆文殊師利說法。答曰。爲明文殊是十方諸佛妙慧。善簡擇正邪。正邪既定。方以行修行。卽普賢行也。次第合然。故明文殊師利是童子菩薩。以因創發啓蒙。入信之首故。因行成名也。問曰。五

位法中菩薩入定方說何故信位不入定說答信
是凡夫生滅心信未入證故無定也以五位是入
體應真無作之理智非無思不顯不可以有情求
之故須入定光明覺品竟

福州閩山弟子黃安刊刻
華嚴經光明覺品疏論纂要第二十三
卷流通伏願植金剛堅種資人天勝福
康熙二十二年八月 日華藏室謹題

大方廣佛華嚴經疏論纂要卷第二十三